



宛丘先生文集卷第三十六

曹孟深藏所藏

張二未 文潛

絕句

冬日絕句

忽之新冬無一旬自憐憔悴楚江濱
滿前魑魅何曾禦尚愧無功作逐臣

分冬絕句

莫驚人事浮雲變且作吾儕飽飯行
白首分冬聊自勸江城今夜一陽生

預作冬至

紫壇曾從奠琳琅親被天人玉冕光今日黃州山下
寺五更聞鴈滿林霜未元祐七年南郊曾與策在
皇帝禮席左見上冕玉簪白如
雪為燭所照
光數尺云

冬至贈潘即二首

荻籬茅屋柯山下賣餅歸來也做冬不見長安競時
節車如流水馬如龍

五更人語起江城歌笑喧：天欲明酌酒壽君但一
醉百年珍重是人情但平聲

至後早赴館二首

紅臘粧梅冷未粘柳條偷暖作纖：高樓殘白誰家

雪盡日天寒不卷簾

城圍殘雪寒催曉宮近晴雲暖欲春誰覺風光添一
線玉壺漏水報雞人

壬午臘月下旬偶作二首

啄塊飢禽傍短籬風鳶一笑起高枝君看草樹冰霜
裏即是東風欲到時

風折薰葭水結澌燕鴻相語定歸期淮南水闊山長
處少待燕山霰雪晞

臘月下旬偶作

歲暮煙霜澤國寒曉鴉鳴處是柯山地爐有火尊餘

酒自起焚香深掩闌

臘

荒林野水間榛荆唯有青山日對門草木向陰猶帶
雪風光近臘已如春

臘月殊有春意二絕

一夜長天無片雲曉來風動似初春應知春近催桃
李更有輕寒不著人

拂檻垂楊雪後青誰家朱閣曉來晴拂簾動幕無人
解先把春愁寄有情

有感二絕

殘雪微風冷透衣柳黃梅破欲春時年々景物常相
似滿眼相思只自知
日暇凝雲去復還晚風不動自清寒可憐庭雪無人
掃斜占牆陰獨未殘

臘月步西園

三畝寒園春欲回淺池低樹忽飄梅楚鄉萬里霜雲
盡歸鴈行々斜日來

北風

北風卷地寒侵骨凍雪連山鳥不飛試問朱門餘酒
肉幾人回首念無衣

西江

拂瓦輕霜鈿粉輕東南日出竹窻明小樓下見西江
水日：風光無限情

淮上觀冰下

寒淮千里群冰下古岸枯槎黃蒿枝憶得天津橋下
見五門春動雪消時

曉雨

綠滿園林紅已稀濕煙和柳共霏微誰家油壁春寒
裏獨輾天街曉雨歸

又一首

輕陰江上千峯秀小雨牆邊百草生惟有春禽慰孤
客曉啼渾似故園聲

春雨中偶成四首

廉纖小雨作春愁吹濕長雲漫不收架上醪醕渾著
葉眼明親見小花頭

槐葉青々染不如護巢鴉語有新鷓蕭々晚雨窻鳴
急卧隱蒸牀正枕書

天低芳草接浮雲萬柳含煙翠不分燕子歸時花徧
落暮寒和雨入黃昏

春陰只與睡相宜卧聽鳴禽語復飛一縷斷煙浮不

散何人深院畫薰衣

秋雨二首

南山雲起滿庭陰
簾幙初涼七月深
桃子壓枝桐葉老
連綿風雨作愁霖

離披衰柳已無蟬
黃葉閉門風雨天
陶令無錢難得醉
竹窓過午枕書眠

夜聞風雨有感

雨滯招提未是歸
卧聞秋雨響踈籬
何當粗息飄萍恨
却誦僧窓聽雨詩

遷居對雨有感

楚鄉風物淡悠悠
獨掩閑門客滯留
盡日無言對秋雨
相敲蕉葉各吟秋

局中聽雨

秋庭聽雨斷人聲
涼入衣裾秋意深
臨水登山送歸語
憐君解有許多情

晨起觀雨二首

楚鄉秋早倦炎蒸
長恨梧桐不可憑
爽氣忽隨風雨至
曉堂無寐獨神驚

中宵爽氣入襟裯
簷雨浪浪曉未收
三伏炎威掃除盡
待教明月放清秋

以雨

歌簷積雨苔生瓦
陋巷人稀泥及門
坡下牛羊來遠
墅舍傍麻櫟接荒村

小雨

蕭々小雨不能收
一霎西風便似秋
枕席夜涼燈火
暗了更漏隔南樓

永寧赴晁應之見招賞花途中遇雨

行雲濃淡日無輝
輕雨飄々點客衣
馬上漫卽醒後
醉一杯容易送春歸

雨霽

豐隆故犯青冥上
列缺應逢返照迴
樓外細蟾呈窈
窕枝間少女故徘徊

雨歇二首

雨歇山園竹引牙
老禪睡起日初斜
令人却憶香巖
老解點瀉山一碗茶

家童取酒衝泥至
酒滿山瓶重莫携
老子欣然一笑
起開嘗洗盞對山妻

乍晴二首

洗來桐葉晚青々
積雨欄干暗菌生
牆角半傾苔暈
合蕭々風草一蛩鳴

長虹飲雨川無滴
蘋末生風沼有波
一掃煙雲不知處
夜天如水瀉銀河

喜雪走筆呈李宣城三首

慙慙寄語宣城軍
公事何時是了時
病守欣然有嘉思
亦須對雪把空卮
昭之庭中爭曲直
紛々筆下判鞭笞
坐曹決事輪蹄
飲酒信薛宣稱吏師
萬夫餓腹待倉儲
三戶窮民守破圩
疲瘵不禁鞭撻
甚長官對酒日歡娛

正月十日雪晴

西窓融雪飄如雨
故與新春作薄寒
昨夜鴈聲渾向北
夢魂隨去過關山

光蔡之間
路多關山

和蘓适春雪八絕句

春城北斗轉招搖
寒御初還陣尚囂
一夜雪聲欺布被
定知貧舍固相撩

寒陣須憑酒解圍
閑官幸可典朝衣
一杯冷落憑誰勸
却有飛花舞入帷

白帝陰兵嚴羽衛
漢皇老傅振頰眉
撒鹽飛絮渾醜俗
畫撥塵言賦好詩

溪上泛舟成底事
菴前夜立意如何爭
知萬頃青々

麥絕勝黃河一尺波
不死松篁勞借潤未開桃李與催粧已饒豔女織腰
舞偏犯貧儒百結裳
偏憎游騎狂蹄汚最稱佳人素手團方丈老翁容膝
外出門四顧盡漫漶
山中景物更幽奇祇欠夫君為賦詩長憶東風吹女
几瓊瑤交貫碧琉璃
寒窻凍坐成何事趣喚紅粧遣暖寒却把吟腸盛美
酒更令柔指發清彈

西窗夜

斗柄闌珊風瑟瑟銀河錯落露森森
人聲靜後幽蟲急月色好時清夜深

東海旅夜二首

無酒消憂寒未減隔帷相對一燈愁
蟲聲喚覺五更夢風雨滿庭桐葉秋
蘭缸背壁影微々千里天涯客夢歸
一夜海風聲不絕曉來寒葉滿庭飛

夜坐二首

半消炉火夜三更欲滅青燈暗又明
閉戶無人瞑目坐此時一念悟浮生

庭戶無人秋月明
夜霜欲落氣先清
梧桐直不甘衰
謝數葉迎風尚有聲

夜坐三首 六言

門庭草：是客寢室冷：似僧春寒猶須篝火夜書
頗復明燈

靈通寺前老圃畦
蔬想見如雲謀拙嗟予飄泊歸來
共甬知聞

微寒騷屑窻竹淡月朦朧
夜天路暗城頭傳警漏稀
更士高眠

夜思

萬聲沉寂漏丁東
金井欄干上暗空
半夜西風人未
覺秋聲先報草根蟲

秋夜

微雲淡月夜朦朧
幽草蟲鳴樹影中
不待南城吹鼓
角桐聲長報五更風

秋夜寄遠

秋晚蕭條風露清
星河耿耿漏丁丁
祇應新月頻相
見長向玉樓東畔生

臥聞風聲

臥聞風聲吹屋角
應掃積雨陰漫漫
千山黑月烏飛

絕一江星斗魚龍寒

五更

歲事先教蟋蟀催暮雲樓閣隱輕雷五更庭葉驚殘
夢知有清秋犯雨來

次角

斷霞歸鳥隔山鍾日過西山轉海宇長恨南城催曉
急五更吹角怨秋風

蕭

蕭：風雨五更初枕上秋聲獨井梧只有菊花酒灼
灼苦教摧拉就荒蕪

雜題二首

寒雨蕭：桐葉驚浪：還作夜塔聲西風忽起幽人
覺枕簟涼時向五更
蒼：落月井梧西睡覺幽人自老唯只有林鶯知夢
斷曉庭人靜語移時

四月二十三日晝睡起

幽人睡足芭蕉雨獨岸綸巾几案涼誰和薰風來殿
閣不知陋巷有羲皇

早起二絕句

滄江初夜雨翻盆將曉風聲戰亂雲籬下寒鷄鳴苦

晚老人先起自開門
風鳴槁葉未辭枝
雨濕踈梅欲弄姿
地下一陽應蹀躞
世間渾未有人知

朝寒

朝寒卯飲已戰勝
煮餅一甌充午飢
便是衰翁一日
了夜爐茗果亦隨宜

宿盧村逆旅

夜宿村南貧主人
入門桃李已殘春
無人折贈門前
柳佇立東風獨愴神

真陽縣畫睡縣舍素絲堂

見君堂下小荷葉
驚我客中春已空
一覺西堂亭午
睡悠々春夢逐春風

宿錢睦甫南齋

蕭洒南軒與病宜
庫床長簟碧紗幮
三更月上夢初
覺竹影滿窓風入衣

晏起

晚起翻書日欲西
偶然乘興亡遨嬉
好書自癖非求
利掘家才須數句詩

無睡

幽窻老客寒無睡
長聽城樓曉角悲
萬里滄溟初浴

日暗雞先向草間知

枕上

伏暑新除風露清五更山舍一雞鳴
幽人枕上朦朧睡卧看東岡次第明

齋中列酒數壺皆齋安村醪也今日亦彊飲

數杯戲成兩絕奉呈慈老昆仲

曾嘗玉帝碧琳腴不醉長安市上酤

作史官時醪飲

濕先生今已矣啜醪留得與門徒

東城之酒但飲濕

放逐江邊長苦飲壺漿尚敢較醇醪
中都光祿多新

釀不解隨人得一卮

酒病中寄李十二招飲二首

班即握筆未封侯嗜酒揚雄欲白頭
寂寞著書誰作

伴雨枝風葉碧梧秋

酒病岑岑更怯寒一窻踈雨擁衾眠
西風一入庭前

樹便有秋声到邊枕

六言二首

青春要去便美酒得斟且斟莫問世
間蹉躓須知老

境侵尋

讀除目有感

禍福茫茫不可猜可能憑世即無災
相君西闥揮毫

日豈料方還此地來

雨中題壁

去年此日泊瓜洲
哀柳蕭蕭繫客舟
白髮天涯歎流
落今年對雨古宣州

偶成二首

低雲著地晚悠悠
雨濕簾旌不上鉤
江北江南千萬
里年三長向此時愁
漫學文章弊性靈
屠龍藝就誤平生
翩翾仕路新冠
蓋何用揚雄彊作經

懷金陵三首

此君堂後青蒼玉
別後何曾寄一聲
想見秦淮月堂
下西風吹浪拍隄平

璧月瓊枝不復論
秦淮半已掠荒村
青溪天水相澄
映便是臨春閣上魂

曾作金陵爛漫遊
北歸塵土變衣裘
芰荷聲裏孤舟
雨卧入江南一第州

遣興

百感摧傷彊對春
看花三畔獨霑巾
祇應閑自林中
坐須學無言壁下人

自遣四首

是非得失一區々蚊蚋啾々共一壺不學退之求羽翼唯憑一夢到華胥

誰云造化本無情利害垂陳理甚平莫逐衆情生愠喜君看三四孰虧盈

誰云至理宗無相大道由來萬法兼且以聲音為佛事曉敲清磬誦華嚴

浮世榮枯理易觀不勞重取朽龜鑽直應桃李繁華日便把荆榛寂寞看

有感二首

屋角纖々挂斷虹清蟬一噪起高桐天涯雲盡見殘

日林下雨餘來好風

鬢毛已自秋來變髀肉仍於馬上消滿眼青山不歸去彊顏微祿亦何聊

偶題二首

相逢記得畫橋頭花似精神柳似柔莫謂無情即無語春風傳意水傳愁
春水長流鳥自飛偶然相值不相知請君試採中塘藕苦道心空却有絲

古意

樓上珠簾拂疎網却勻愁黛對凌波也知新舊事多

少敢話機頭織素多

畫臥口占五首

康濟朝飢進湯餅誰何午睡屬新茶讀書隱几聊復
爾謝客扃門豈不佳
甘風遠集聞朝曙怨月深樓有夜鳴涼牖踈明稀老
翠雨畦幽獨立新青
學道窮年要有得彊顏于世欲何求病我薏苡無勞
誇濕要鞫窮不待瘦

人事日益遠秋居何颯然苔隨牆半雨葉放樹中天

風林亦又轉來秋風

擾：終何得蕭：亦自如將求解牛道要解斲輪書

夢周楚望

春風吹夢到淮南一夕從容盡笑談睡覺始知經歲
別洛陽新柳已堪：

偶成

獨居無与往况此陰雨天起來復何有詩書散我前
偃卧一榻上讀書疲復眠經綸負夙志跌蕩窮吾年

宛丘先生文集卷第三十六

宛丘先生文集卷第三十七
採石阻雨寄宣城故人二首
絕句
張耒文潛

宛丘先生文集卷第三十七

張耒文潛

絕句

採石阻雨寄宣城故人二首

風雨江頭思故人
東南煙水濕青春
宛溪東岸垂楊樹
想見煙眉亦解顰

閑雲濃淡作朝陰
柳色江頭春已深
誰為宣城故人說
依二紙似去年心

初離山陽迴寄城中友人二首

落月昏三向水低
五更殘燭一聲雞
祇應魂夢猶東

去從此扁舟日向西
野岸蕭蕭落葉風
秋光離思兩相攻
慙慙臨水揮雙淚
憑寄清流却向東

遠思

裊裊霜風吹碧梧
孤城吹角奏單于
山川浩蕩愁千里
樓角黃昏月一梳

將之天長題新亭壁二首

新亭登眺解征鞍
飛鳥悠揚雲意閑
誰謂塵埃無野興
故乘風雨看秋山

雲卷山光到眼前
滿川搖落早秋天
客來繫馬成何

事風雨寒窓一覺眠

舟行六絕

獵獵西風秋水清
野花寒草傍流生
沙邊水鶴待魚
立石底暗蛩先夜鳴

船尾初回轉野灣
波平天靜惜投竿
飛蝶小蝶秋花
晚噴沙禽野水閑

落景秋雲晚不開
天寒古岸野船回
初驚波面微瀾
起已見風前細雨來

渡頭風雨晚生寒
蓑笠漁翁坐釣船
為問蓬中有魚
否一雙新鯪出籠鮮

天寒野店斷人行晚繫孤舟浪未平半夜西風驚客
夢臥聽寒雨到天明
渡頭煙雨欲昏天灣畔枯桑繫客船風打蓬窻秋浪
急一杯寒酒夜深眠

淮上曉望

酒醒窻明月半川怯將病齒漱寒泉樓西別有情秋
色一片淮山在曉烟

望淮山硤石寺予幼年過此今十載矣

十年落泊竟何成人事紛々幾廢興今日扁舟淮上
去青山似與客相迎

檢屍永太湖上成絕句呈劉伯聲四首

潮北風來吹曉鍾潮邊漁客閉船蓬波光不動天光
濶更在浮烟細中

風蕩雲容不成雪柳偷春色故衝寒湖邊艇子衝煙
去天畔青山隔雨看

野岸北風歸客愁浮煙不動雨兩字少圓成野色縈紆
岸點破湖光三四鷗

誰道原頭春未回柳梢黃軟凍齋開爭驚臘日崢嶸
盡急問田翁乞野梅

淮陰

蘆梢林葉雨蕭蕭，獨卧孤舟聽楚謠。
生計飄然一搔首，西風沙上起歸潮。

過漣水

城頭落日在旗竿，城外長淮水浸天。
右左海門前燈火盡，槽聲謳軋夜深船。

楚城曉望

鼓角凌虛雉堞牢，曉天如鑑絕秋毫。
山川搖落霜華重，風日清明鴈字高。

楚橋秋暮阻雨

水滿城西釣艇橫，雲濠風弱晚冥冥。
天寒小店人愁

雨燈暗，孤舟客卧聽。

登東槎亭

海天秋霧暗，東槎風響空。
山浪卷沙香，杳槽聲何處。
客一帆衝雨，暗天涯。

三鄉道中遇雨

蕭蕭古道西風雨，慘慘黃昏匹馬行。
未遇功名莫嗟嘆，逢時更自憶平生。

發孝感

裊裊檣烏轉晚空，娟娟江月入窓櫳。
岸頭楊柳如憐客，猶舞蕭蕭五兩風。

發金陵折柳亭五首

津亭折得綠柳枝
更看春風向手吹
建業城邊春已老
連天荒草燕雙飛

忽二十日事回首亦淒涼
何處無芳草行人休斷腸

又

瞿曇昔教我林下一宵行
何事春江上依之作俗情

又

綠袞溶溶日紅飛寂寂
春青山今古事芳草去來人
歌吹酒家市帆檣賈客津
誰云勝絕地登眺更傷神

又

桃李蕃晴日江山秀
晚春孤舟多病客
長道未歸人
豪俗競行樂倦游慵
問津南山還暮雨
疑有楚臺神

謁蔣帝祠過鍾山下二絕句

野塘春水綠迢迢
上有東風弄柳條
曉日已穿東嶺出
輕寒猶欲戰駝毛

溶溶野水戲鳧鷖
壠麥初長午景遲
盡日綠楊閑照水
臨風自愛好腰肢

白沙閘西艤舟亭二首

倦客時時醉眼津
亭日日春寒目極傷
春懷抱黃昏猶在闌干

客恨如雲冉冉風光似水迢迢回首十年舊事令人
淚盡魂消

鹿邑道中

去歲秋時去今年秋又來浮名何所得歲月苦相催
赴官咸平蔡河阻水泊舟宛丘皇華亭下三
首

怒河憑雨正奔流踏踏卑梁滯去舟淹泊我生應有
定不須歸怨一汀溝
裊裊悲蟬古柳風水邊幽草已鳴蛩長河未放羲和
宿却泛斜陽更向東

夜空如鑑碧新磨倒影踈星亂素波天色水光無別
處為君垂手攬銀河

曉發途中

坐無燈火夜蕭然馬上忽忽未曉天直驛老兵應笑
我肯將斗粟換高眠

渡沙河

溶漾澄明徹底清鷗鷺慣客不相驚却疑洛水新霜
後八節灘津石柱聲

項城道中

塵壁蒼茫有舊題十年重見一傷悲野僧欲與論前

事自說年多不復知

離京後作七首

蘋芷江邊已五年
厭聞風浪打船舷
南風蕭艾荒涼野
時望高丘一慨然

水語送客渾無浪
風解留人却有情
今夜榆林繫帆宿
却從北斗望天星

灌畦酤酒兩三家
春去方叢有晚^花莫道長安在天上
斗牛猶有客乘槎

一水夷猶達汝陰
年華客意兩相侵
河邊無限青草攬
轡何人繫此心

過雨陂塘處處深
南風蕭艾欲成林
道邊捨穩行歌者
亦有豐年一飽心

高槐老柳舞南風
晴日家家蠶麥中
艾盡黃雲見原隰
却教風雨洗長空

燕雀翻翻夏屋深
成蹊桃李已成陰
黃鸝深處無人見
時有清風遞好音

泊楚州鑽外六首

滿眼荒寒春未知
芳菲欲到野梅枝
東南近臘風煙好
美酒千鍾魚蟹肥

便風吹舫去無情
謾遣槎牙鐵鎖橫
未嘆客行鷗鳥

遠五更吹角是高城
襄王席上舊行雲二十年間生死分可惜風流一杯
土年春草斷人魂

流落相逢二十年羞將白髮對嬋娟如何見我都依
舊添得尊前一惘然

水榭疎簾秋夜涼清歌一曲醺瑤觴明朝回首高城
處只有西風却斷腸

莫愁家住大堤邊朱閣青樓映暮川斜映清淮一梳
月晚粧相對鬪嬋娟

臨淮道中

凜冽春寒犯客裘輕陰殘雪放孤舟無端唯有堤邊
柳作態東風惱客愁

宛丘道中

日斜沙路馬翩跹故欲迎涼不著鞭誰解多情似新
月伴人歸去照人眠

青桐道中值雨
數里舟行久之頗有江湖
之思二道

繫馬操舟問檝師却疑淮口掛帆時人間遷改何須
問便作江湖未可知

冥冥煙外鳥飛歸野老得魚收網迴隔浦斷霞沉欲

盡半彎新月出雲來

淮陰道中

映日斷霞臨水盡出雲新月向人來野塘秋晚無行迹點點黃花照水開

宿咸平驛

蕭蕭暗葉鳴秋雨浙浙窓風戰客燈世味飽諳心已老不煩潘鬢彊侵陵

宿第四鋪

繫纜寒沙傷客情秋雲不動夜陰生蕭蕭兩岸黃榆葉解報三更雨到聲

淮陰曉望

蕭蕭哀柳來時路裊裊危檣西去船白鳥歸飛夕陽盡斷霞風約過平山

初見嵩山

年來鞍馬困塵埃賴有青山豁我懷日暮北風吹雨去數峯清瘦出雲來

嘗溪道至四安鎮

碧雪清秋水底天夜帆燈火客高眠江東可但鱸魚美一看溪山直萬錢

蘄水道中二首

蠶老麥枯田舍忙誰令四月雨浪浪未容烏鳥私遺
粒鳴蚓跳蛙欲滿場

綠野新晴風日涼肩輿細路轉岡橋邊野水侵官道
旋喚漁舟渡夕陽

洛岸春行

溪上映人楊柳黃滿溪流水碧決決憑君莫向溪南
望絳綵千亡四字

病起登疊嶂樓

病來久不上層臺窻有蜘蛛迳有苔多少山茶梅子
樹未開齋待主人來

竟陵夢野亭在子城西南角一目而盡雲夢
之野最為郡中之勝

高甍巨桶壓城煙闔平視如將七澤吞幾度春光招
宋玉碧闌干外獨消魂

登山望海四首

江闊風煙易晚山高草木先秋獨倚欄干盡日此身
與世悠々

仕宦此身謾爾功名已老茫然山鳥不須驚客相親
且復窮年

西望揚川何處雲中雙塔嶺屹山外雲濤斷目夕陽

應近長安

鳥去蒼煙古木人歸綠野孤舟信美雖非吾土消憂
且復登樓

乾問明院門望江山懷淮陽城南步二首

憶昨淮陽把酒目前唯欠山林江上雲岑千疊何為

特地愁心

張說有江上愁心賦

尾臺寺東野水春來柳色鵝黃江上倉波似屋蛟龍
作惡難量

和人雪二首

臘殘春近獨消魂殘雪長安千萬門青鳥何曾寄音

信碧雲剛解報黃昏

曠曠曉日漏春光欄下萱叢尚臥霜認得君家門上

雪易知何事却難忘

寄李不危

憶昨東風吹馬蹄瓦關分袂涕交揮淮陽風物應如
舊獨在柯山送鴈歸

出京寄無咎二首

不許多聞長樂鐘打色且過又忽：長安城裏誰相
識只有周南太史公

老去相看情益親河梁分手欲沾巾祇應誦得離騷

賦長作行吟去國人

寄陳州朱教授三絕

慙慙寄語朱夫子
魯舍花前亦舉觴
學舍蕭條官職冷
不知誰與戴姚黃

欲曉山禽百種鳴
最憐啞咤是鷓鴣
遙想西湖煙柳色
深春風露水邊聲

春雨江干不肯晴
大江檣岸轉雷霆
山頭方丈渾無事
掃地焚香看佛經

寄都下舊友三絕

悲歡回首兩茫然
一別都門又半年
應是舊時歌舞

處秋風又作一般天

一別長安西復東
琵琶舊地已應空
當時風景歸何處
須信人生似夢中

城西古地昔同遊
望月思家相對愁
明月秋應更好
何人看月又悲秋

初離陳寄孫戶曹兄弟

三年流落寓於陳
一命青衫淮水濱
城北橋邊長送別
扁舟今自作行人

偶成

許君踏月夜相過
此語當時恨已多
但願相逢休怨

老不妨白髮聽新歌
謾呈無咎一絕

題扇燈前亦偶然
那知別後遠如天
去年醉舞看花處
獨聽琵琶却惘然

吳江道中懷陸魯望

我亦扁舟一散人
江湖為洗十年塵
筆牀茶竈經過地
風月相望亦有神

戲呈希古

半世苦辛守黃卷
白頭容易過青春
枕前亦覺春晴否
試問東隣晚起人
起一作未

贈無咎

欺馬街泥未肯乾
重城含霧曉漫漫
誰令萬屋淋漓雪
猶作長安半夜寒

贈趙簿景平二首

明道新墳草已春
遺風猶得見門人
定知魯國衣冠異
盡戴林宗折角巾
紛々俗物久堪憎
愛子蕭々眉宇清
莫嘆青山衫掩事業
白頭卿相死無名

贈別儀上人

師似浮雲觸處閑
倦飛知我未能還
林泉會有相逢

日風月應須乞半山
別錢筠甫三絕

倦客無眠聽曉鍾
五更爍燭淚銷紅
城西古寺同來處
今日分携獨向東

春燈欲盡曉雞啼
殘月影中征馬嘶
為語相逢不須喜
相逢終有道分離

原頭頭綠盡柳初
落月滿川風滿山
已過寺西三十里
為君回首駐征銜

送李十之陝府

斷蓬泛梗偶相依
一別重逢又幾時
人世悲歡消遣

盡為流淚忽露霑衣

送客愁

數星點、間微河城上
三更樹影暎霜落
夜深風悄悄
月明無恨客愁多

送周六赴濠州二絕

老顯有婦何妨道
一室蕭然尚愧君
但恐小喬來又室
却須射虎作將軍

從來悟道不由書
敵面相呈已有餘
塵尾花飛終不近
濠梁古鬼解柳榆

送聖民出城即事

東風堤上送行人漸出城來漸少塵柳色已深花又
落客來下馬獨傷春

謝仲南和詩

曾約西湖薄主人只今湖色已知春會須多載連車
酒絕勝寒倉滿目塵

漫書

新引龍孫欲解已難根細筍已梢二萁苔雨過蝸緣
壁楊柳葉深鶯有巢

宿潘君草堂聞蛙聲二絕

跳踉鼓怒任爭雄何事嗚呼聒睡翁不用洒灰煩魯

老正須兩股付吳儂

孤村足雨菰蒲合只有群蛙噪滿陂我亦閑來無鼓
吹不煩通夕短長吹

鼓吹短
吹短有

宛丘先生文集卷第三十七

宛丘先生文集卷第三十八
絕句
題壽陽樓二絕
張耒 文潛

宛丘先生文集卷第三十八

張耒 文潛

絕句

題壽陽樓二絕

渺：長淮去不休行人獨上壽陽樓一闌長歌不須

唱山川都是舊時愁關事說於予

長淮不斷水悠悠：樓下行人淮上樓誰謂滿前風景

好古今供作別離愁

題扇二首

越衫羅薄迎新涼扇剪青綃秋水光花前一把羅敷

手直到花殘衿袖香
宵：涼月怙淮天露濕蒲稍風墮蓮松蓋草茵迎不
至南山桂子老秋烟

題五柳亭

大夫風韻如彭澤五柳蕭森手自栽我亦扁舟倦游
者登臨聊復賦歸來

題水閣二首

積雨荒池水欲平軒窗長夏有餘清公餘一枕滄浪
夢臥聽風荷受雨聲

池水亭：如有光曉風清露點新粧翠帷自幃非游

女多計經營白鷺郎

題洛尾亭二首 入汴第一亭

日出南山春霧收渾：洛尾入淮流莫向行人贈楊
柳折將離恨入孤舟

洛尾亭邊淮汴交來波去浪恨迨：無端更洒黃昏
雨吹作春愁不肯消

題周文翰郭熙山水二首

魚村橋市楚江邊人外秋原雨外川遣騎竹邊邀短
艇天涯暮色已蒼然

洞庭葉落萬波秋說與南人亦自愁指點吳江何處

是一行鴻鴈海山頭

題海州懷仁令藏春亭

聞道山中賢長官種花不肯放春還故知車馬紅塵地催促東風不得閑

題綠野亭

渺々孤亭滄海東天連平野四無窮可須戶牖毫端上自攬山河眼界中

題榮子邕陋居二絕

草舍隆中一幅巾閉門三致漢將軍紛紛自獻知何有終遣斯人了鼎分

一室荒蕪孺子貧知君四海入經綸殺身虎口終何補洒掃庭除自可人

題畫二首

敗蘆浸入凍灘沙朔雪隨風亂綴花濕翅老鴻鳴未起暮雲山色暗天涯

蒼々老石守寒叢雪洒林鳩美睡中鶉傍陳根飢更啄雀栖高枿暝愁風

題庭木

枯條恠石坐寒禽玉軸高懸畫萬金歲晚荒畦真在眼寂寥方見此時心

題趙彙所收趙令穰大年煙林二絕

江上孤煙蔽遠林
秋原人靜下鳴禽
水鄉此景常經眼
誰信侯家畫萬金

楓林荻港白
畫靜落鴈飛鷗盡
日閑平遠起君千里
恨清詩一要助江山

題宅後井泉色正白

清泉十丈白如漿
甘醞醜透椀涼君
欲道中無渴死
百尋操縵莫辭長

題唐宋輔城上小樓二首

沙田小雨不成泥
一帶溪光照翠微
遠目直隨殘日

畫晚雲還逐故山歸

近郊小徑絕人行
水滿菰蒲取次生
沙岸雨來長集
燕桑田深處忽聞鶯

書穎州皇甫叔校書堂

閑來便是日侵階
窻下碁枰林下杯
曉解扁舟又南
去百年還得幾回來

賞心亭

楫迎桃葉家
何處漿送莫愁人
已非獨立東風今古
恨春江無語又斜暉

謝仲閔惠友于泉泉上多紫竹

地吉泉甘慶所鍾直疑遙與惠山通曲肱煩暑都消
盡如卧蕭蕭紫竹風

和子瞻西太一宮詞二首 六言

太一儲祥世祠宮歲事年絳節霓旌何處松庭
玉坐蕭然

玉笋清晨薦酒天風靜夜飄香鳳吹管裁孤竹瑟弦
奏曲瀟湘

和房日嚴換武詩

青衫厭著侍封侯慷慨知君定遠流莫嘆書生長齷
齷元戎曾與報更籌

和李二秀才

羨君年少盛游春顧我無聊似厄陳東市車牛泥到
領不勞舉袂鄣京塵

次韻智叔三首

才似庖刀不待斲思如流水更清冷詩壇李杜誰為
將畫掃揔搶正國刑

公子風流更可人仙家問信柳湖春煩公甕下一水
洗我胸中百斛塵

今朝一見詩人詩不用更尋黃絹詞深山一鶴自唱
和亦有松下童子知

次韻子由舍人先生追讀通英絕句四首
天寒書殿曉班清氣爽仙盤瑞露零講罷群公佩聲
散一竿宮日轉槐庭

聯翩右史直西垣舊墨螭頭點未乾自是退之平昔
事可須慙著進賢冠

冠佩煌煌拱北辰道人風骨自軒昂茯苓松下龜鼈
老須乞靈丹一粒吞

恭默誰聆金玉音陶甄萬物付無心君王好學真天
意憂國論思不厭深

許同塵示張侍郎避暑覽館中舊題俾之同

作次韻

駁散人生集渚鴻飛鳴邂逅一宵同是非榮辱何勞
問共在却第一枕中

調金玉病二首

維摩丈室自蕭然病起新涼得恣眠我愧聲聞難問
疾想君獨對散花天

詩將收功久戢戈羸師再鼓柰疲何想君無物驚禪
定獨未能除是此魔

昔蘓先生游廬山詩云平日懷真賞神遊杳
靄間如今不是夢真箇在廬山輒繼一首

人生熟孰非夢、裏見廬山若予元無夢何曾有往還

蘓先生詩云芒屨青竹杖自挂百錢游何事
深山裏人、識故侯輒繼其後

齋心禮仙聖不是愛山游山中笑何等何髮東諸侯

效吳融詠情

依、漠、復紛、觸處相隨過曉昏知是妾緣除不
盡更放教風月助吟魂

效李商隱

夜深傳警報更籌霜挂月華寒木收昨夜雨昏今日

朗一番風雨一番愁一作番

效李商隱楚王

十二巫山聳翠岫楚王宮殿玉巔屹定知為雨為雲
處不似當初夢裏看

用劉夢得三題

春向晚斜日在高樓出花愁脉、輕絮去悠、冉、
三更雨蕭、通夜雨

春已暮把酒送春歸花落鳴禽散草長游客稀去年
堂上燕故、傍人飛

春竟去白髮感生平流水去不斷夕陽猶有情舊時

桃李月悄：向人明
堂上幾宮人斜

青蛾皓齒作埃塵
玉匣珠食衾地下
身一曲墻壞門
不鎖林花開落墓前春

宛丘先生文集卷第三十八

宛丘先生文集卷第三十九

絕句

西湖三絕

張耒 文潛

沙鷺汀鷗盡日閑
水邊風起萬荷翻
客來莫厭重樓
望樹杪闌干直對山

水上亭臺涼氣多
扣舷倚棹唱吳歌
何人為放青蓮
出剪却翻一萬荷

一曲清池柳岸風
長苗新稻短蒲茸
功名由命何須
問幸有滄浪作釣翁

西窓雜詠三首

翠蔓垂簷笋過籬
幽禽終日傍窓啼
山林勝處平生事
他日何妨動我思

穿籬兩竹是龍孫
風葉蕭蕭便有聞
却到葛陂心未已
更將甘雨酒川原

稻畦新插綠雲齊
雨過溝塍水接溪
到舍妻兒勞動苦
白醪缸畔醉如泥

西軒

出架薔薇秀晚枝
雨餘屋角理蛛絲
可憐一曲秋風地
萬思千情鬪入詩

西園

滿園紅紫春無限
盡日飛鳴鳥自由
夜雨朝晴風日好
盡舒雲錦不能收

徐園閑步二首

平田小雨潤新耕
曉日園林信脚行
襯步野蕪吹面柳
可憐春物揔多情

動地春風晚未休
吹花折柳却成愁
塵埃不用頻驅馬
獨臥氈毼正擁裘

雨後游朱園

綠葉陰陰護翠枝
晚花雖小亦應稀
東風不惜殘桃

李吹作春愁處：飛

荒園二首

日暖風簷翻乳燕
曉寒露柳轉流鶯
荒園日：東風裏吹盡閑花香
草生

荒園午日照青蕪
樹鏗鳴鳩相應呼
一片陰雲送山雨
漸：新麥地親鋤

竟陵僦舍仍有小園景物頗佳

荒涼臺閣追隨事
懶慢江湖放逐臣
應是主人憐寂寞
僦居仍有小園春

早池

藕梢菱蔓綠絲深
日射游魚聚岸陰
响沫已知為計盡
渚鷗沙鷺亦何心

天窓

鑿屋分將一尺明
坐令隔幌見簾屏
任從世界傾盆雨
只要蕭：數點聲

別齊安稅務竹窓二絕

可獨王郎与爾歡
二年慙愧碧琅玕
葛陂一別知何處
見盡人間行路難

随流泛梗雖無定
別渚棲鴻亦有情
為問竹窓清夜月
從今誰解聽秋聲

江上二首

相別亦何事相逢盡偶然愁腸貫絲筆離夢紡朱弦

又

紛：渾是夢黯：只銷魂江上浪無限舟中酒一罇

夢至一園池藕花盛開水鳥飛鳴為作二小

詩記之

偶來乘興不須疑一頃秋香欲發時老子婆婆真為
爾百回相見愧鸕鷀

平池秋水雨來深無數紅粧出岸陰翠幕深藏知有
意白鷗相見本無心

潮水二首

水滿春淮自在流落花吹盡浪幽：揔將春雨為春
淚未比思君一半愁

近來消息愈堪猜飛鳥無情不肯迴惟有清淮慰人
意春流日：自東來

宿文殊院呈孫子和二絕

天河初沒空明心星四聽雞號人欲興高林有露乍
蹄馬佛屋無人到曉燈

朱樓簾捲見天涯倦客倚欄何所思新月無情明復
落清簫有恨歇還吹

宿銅陵寺題壁

僧房秋夜月明天下馬擁裘人悄然老僧何事亦晨
起清磬一聲驚客眠

七月十六日題南禪院壁二首

乞食高僧午未歸秋庭落葉日暉
蕭條古寺松陰下簷鐸風中乳鴿飛

秋林落葉已班
秋日當庭尚掩關掃榻晝眠聽鳥
語可憐身世此時閑

題寒溪長老方丈

蒲坐繩牀百事貧荒溪古屋四無鄰為生易足君無

咲渠是人間得計人

題軫師房二首

漠漠雨苔依砌綠鮮
秋菊映堦黃山僧睡起日亭
午出戶微
栢子香

銅瓶布衲出塵埃踈瘦風標日一齋門迳蕭然更無
事生臺飛鴿及時來

書寺中所見四首 六言

江市樵蕪早散山家燈火常昏紗帽檣笻獨立龕中
佛像無言

扣戶誰驚午睡烹茶聽客論詩病裏雖成禁酒興發

何妨杖藜

閑裏光陰最好病多談笑無多夢幻世間種、楞伽
卷裏消磨

贈廣靖上人

七十龐眉禪客曾見天衣老人旃檀林中香氣悠然
時有餘氣

贈圓明老

一粥一齋年已老千經萬論不留心菩提本自非言
說點、知師得更深

宿南山普濟院

閃、青燈照薄帷幽人不寐自吟詩僧來邀我更深

坐待聽山風到樹枝

宋景瞻和云可憐萬里南飛翼
肯向桑林借一枝

方丈小山

窓外幽軒數步寬小山幽石對巔岼誰知老子婆娑
意且作僧房一衲看

卮臺寺三絕句

諸佛蒼然照殿楹圓光明滿自然燈千年遺事無人
問館後高眠以屬僧

峨嵋前約已成空風雨蕭、送暮鍾何用忘飢來問
話不如松下謁癡龍

世味嗟余淡，莫加更將詩句寄煙霞。自憐落筆無好字，不及揚州王謝家。

崇化寺三絕句

樓殿沉沉鎖夜煙，秋燈一點佛龕前。梧桐葉上三更雨，亦有愁人獨自眠。

白髮荊州嘆滯淫，吳衣重杵洛城砧。遣愁莫上高樓望，只有秋來晝日陰。

零落官牆官樹秋，行人東去路悠悠。祇應樓下邯鄲路，亦有離人對此愁。

慈湖中流遇大風，舟危甚食時風止游靈巖。

寺

心悸西江浪似山，眼明僧舍一窓閑。從今要見廬山面，畫作屏風靜處看。

宿慈氏院

樓上鳴鐘報五更，朦朧深殿佛燈明。更無幽夢隨寒枕，聽徹風松到曉聲。

觀音泉

岩松偃蓋不知年，寂寂秋燈寶供前。清澈一源傳萬古，空山長伴白衣仙。

淮上阻風步入寶積山訪軫長老

十年飄泊歸淮東道人住菴何處峯知有招提煙水
外雪雲山路倒杉松

夢靈壽寺

客居有似鴻遵渚鴻渚相看豈有情何事春來頻見
夢老僧談笑起相迎

寓寺八首

門外清泉浸稻畦西南修竹作城埤川平林斷空明
處却有遙山作翠眉

道人鍾梵久寂寞倦客弭車聊靜便豕亦雲山閑袖
子平生香火舊因緣

明臥淮陽

叢畔過清明那

生裏招提曉曉鷺

江青時節嫩紫天紅掃地無修竹滿山連草

色却煩林鳥勸提壺

翠眉長好何曾損寄語啼禽漫不閑應為長春足愁

恨長疑感破鏡中山

有鳥聲如
呼翠眉

平曉春雲失半山濛濛小雨暗江干寺樓倚遍消殘
醉只有春愁伴薄寒

錯落星河沒半空江城悲角五更風幽人夢斷西窓
雨背壁籠燈到曉紅

籠燈到晚只微明獨擁單衾聽雨聲
葛幌竹牀清過暑蕭然未覺負平生

謁僧不值

古寺人閑僧掩扉客來下馬解塵衣
雙松帶月風啤噪古閣鳴鍾夕鳥歸

元忠學七八兄未離京師遠蒙
追送許惠服

丹法託故竟未惠及賦五絕句

身逐孤舟似斷雲故人追送尚慙慙
秋城夜泊西風岸落葉悲蟲獨自聞

哀柝苦催空壁月悲蟲真吊短檠光
無情少壯拋人

去只有窮愁氣味長

欲盜羲和一點春五更注想隔重雲
如何但欲獨不

死分我刀圭未費君

昔見將軍破虎韜事見歐集玉堂曾共掃
千言功名老去

皆蹉跌相見諄々勸學仙

無復顛狂似少時逢君猶自說娥眉
玉堂舊事君休

念兩袖啼痕又送誰

奉先寺

定知生不出長門黍蕭々寺後村松柏
城南萬丘塚傷心最說內人園

田家二絕

門外清流繫野船
白楊紅槿短籬邊
早蝗千里秋田
淨野秫蕭々八月天

新插茅簷紅槿籬
秋聲黃葉已飛々
灘頭水濶孤舟
去渡口風寒白鷺啼

宛丘先生文集卷第三十九

宛丘先生文集卷第四十

張耒 文潛

絕句

奉安 神考
考御容入景靈宮
小臣獲觀有
感二首

靈風依傘繡輿深
仗外猶疑警蹕音
不似尋常遊幸
日樓前鼓吹却沾襟

渭上衣冠故老哀
西陵石老已莓苔
從今伏下新歌
舞長及年々獻耐來

題史院直舍魚鷺屏

鍾鼓聲稀下直遲，秋暉初轉萬年枝。
寒廳盡日誰相對，慚愧屏風畫鷺鸞。

寓楚題楊補之官舍

一辭疇陞走天涯，客路悠長老歲華。
住久不知身是客，自來堂下採花黃。

余元祐六年六月罷著作佐郎除秘書丞是歲仲冬復除著作郎兼史院檢討復至舊局

題屏

庭樹應如我相逢，益老蒼別來秋苦雨。
但覺瓦松長

贈鐵牌道者

微官待旦亦朝天，賴爾絕勝鍾鼓傳。
舉世昏冥竟難警，憐君常負五更眠。

東堂四首

主人憐客置東堂，為致炎天十步涼。
勝事自來非力致，江南山色巧相望。

老翁還作小兒情，手種芭蕉為雨聲。
便有微泉出堂

下一泓清澈照軒楹

堂下種芭蕉數本遂得一泉泓然盈尺殊清澈

居止年來如傳舍，構堂珍重主人情。
浮生行止誰能計，苟合真須學子荆。

烏衣更士能呼旦，金縷嬌娘解唱歌。
共與幽人供一

笑不然奈此寂寥何

牆東

牆東椿老葉已盡
堂下菊叢無復香
長安風埃歲已晚
閉門不出馬毛長

歲晚長安足風土
天寒官舍少文書
下馬閉門復無事
壁間佛像對銅爐

臥病晝眠秋風作惡

東堂岑寂似僧居
年老身閑不讀書
病臥空牀雜唱曉
窓前亂雀啄寒蔬

平生

平生壯節終難變
投老浮名信所遭
要路爭先寧遽福
從來率野屈吾曹

秋日作寓直散騎舍

黃省文書分道山
靜傳鍾鼓建章閑
天邊玉樹西風起
知有清秋到世間

題宣州後堂壁四首

過雨山亭暑氣微
老人猶未試生衣
滿園新綠無人到
春日南風燕子飛

我欲留春情不淺
青春別我苦無情
敬亭下山紅千樹
日日南風綠滿城

翠樹陰、晚雨回江山清潤絕纖埃軍厨煮酒香初
熟更釣溪魚斫鱠來
流落天涯一病身簿書叢裏費精神慙慙照水窺華
髮黃鳥聲中又一春

蒼浪

蒼浪鬢髮一衰翁何事年來到骨窮魑魅何嘗居四
裔自慚放逐尚無功

晚歸

學省歸來門巷秋伴眠書史滿牀頭低雲漠、梧桐
晚屏上江山亦解愁

貧病投劾乞補外官親友問者以詩答之

卑如楊子官執戟貧似玉川居洛陽不敢灣弓輕妄
射爭如覆被逐山郎

凝祥三絕句

齋祠太一館清真望秩名山固有神斜日苑門人不
到靈風自掃石牀塵

已隨芳草藉盃盤更任垂楊拂馬鞍斜日雨竿眠犢
晚春波一眼去鳧寒

奉靈桃李已堪攀只有春風作往還園吏不須防客
到長安從古少人閑

紹聖甲戌侍立集英殿臨軒試舉人作此兩絕

春來小殿雪初殘
曉日腫朦未破寒
黃繖當軒公事退
君王緩步侍臣閑
弱歲千名翰墨場
春寒搖筆試西廂
茫然二十年間事
還著春衣侍玉皇

下直

留滯長安鬢已絲
宮廊還見落槐飛
暮雲踈雨蒼龍鬪
不惜障泥策馬歸

局中晚坐

高林脫葉漸踈明
雨過長安萬屋清
為問西風來幾日
夕陽宮殿亦秋聲

柯山雜詩四絕

幽人睡足岸綸巾
策杖開門卯酒醺
黃葉滿山烏鵲噪
江城秋日少人行

蕭蕭茅屋土山前
翁媪閉門去穫田
朝日滿簷雞犬靜
荻籬深處有炊煙

斷澗橫橋臥古槎
晚雞鳴處有人家
山頭月出踈鍾斷
江上風高落鴈斜

九月江城霜氣清
旅人寒事畧經營
隔窻便是山前

張氏文集
樹永葉夜聲如雨聲

樊山

黃葉疎林江上州
西風角怨夕陽樓
陽天紫翠凌空濶
只有樊山取意秋

新堂望樊山

出人井臼兩山間
鄰里樵漁盡往還
興發登臨窮眼界
界江南秀色碧雲鬟

雨霽望樊山

金碧江南數墨山
雨餘秀色直堪餐
仙娥佞墮青雲髻
照我衰遲澤畔顏

絕句二首

風掉浮煙匝地回
雨將濃翠撲山來
晚涼樓角三吹罷
夕照江天萬里開
荒山岑寂晚雞號
獨閉衡門守一瓢
風雨似秋君莫恠
客愁逢處易蕭條

又絕句九首

天高岫出林外霜
落大江流地中晚
日橋邊數歸牧
牛羊部分聽兒童
樹頭三唱鷄賓日
門外斜行鴈寄書
十月江城霜霰薄
滿山林葉亂藍朱

晚起山鴉噪作團西園霜木倚空寒風高斷鴈呼前
伴雨止歸雲赴舊山

千林黃葉摠飛霜寂歷踈梅未肯粧誰信輪囷卧山
木心知九地有微陽

空山風雨冷蓬茅晨起幽人理緼袍深閉衡門且無
出濕雲如墨怒江號

老去不禁茶力悍兩甌破盡五更眠月團三百真魔
物欲乞當壚當酒錢

讀書老眼苦眠昏茗飲無端遣夢魂到處相逢真可
喜祇應酒是好知聞

黃葉桑林赤土岡蓬茅小迳度牛羊似聞流冗之唐

汝歎息何人為發倉

黃累年旱飢流民就食唐汝

歲弊寒驕風落山卧聽園木怒濤翻去年慈德門東

雪永夜宮廊喝探喧

去年春大雪中子以禮官奉敎聖喪事入宿內東門凡數卜鋪

直戶官吏廷旦不能寐

衡門

衡門日晏晚雞鳴下舍人歸半掩扃邑大止聲山郭
靜暮天寒月撥雲生

福昌官舍後絕句十首

淮南梅柳想春還怯見西州歲暮寒唯有看山心未

厭清明終日在欄干

小園寒盡雪成泥
堂角方池水接溪
夢覺陽窓殘月
盡五更春鳥滿山啼

無客門闌晝日高
兩行喬木擁寒廳
吏胥借問官何在
流水聲中看竹行

漫與東風作主人
栽培花草伴閑身
不辭伐竹成高
架收拾舊薇一片春

卧聽堂南布穀鳴
隴頭細麥已青
慙慙謝汝催春
種我為無田豈懶耕

翠竹留人不忍還
暖泉春漲已潺湲
寄言山鳥休飛

去與爾同來樂此閑

洛川春色幾時歸
漾漾清流照翠微
日暖雪消沙岸
軟鴛鴦相對不驚飛

風吹春日下南山
尚有輕冰結暮灘
何事鴛鴦故相
守清溪不怕夜棲寒

不掃竹根藏笋茁
茁放培殘雪擁蘭芽
為君更接櫻桃
樹付與春風換却花

清明山色到前簷
澗澗溪流聚小潭
一榻竹窓晴晝
睡依春夢入江南

東堂初寒創意作竹屏障
門屏脚偶得朽梅

株截用之完固質野有可喜者二首

丈堂室新幃用此君如用鄢碧琅玕插古槎根白雪
雲一片當空下獲此寒堂宴坐人

簡冊林中老蠹魚年來窮謫尚耽書竹屏風下憑烏
几畫作山柯居士圖

坐局

坐局歸來已暮鍾蒙寒雨濕裘茸正須牆下一壺
酒不怕江頭三日風

地爐

歲陰慘澹不可出竹榻地爐聊自安黃葉滿山籬落

晚北風吹雨濕荒寒

一絕呈宜君

江城風雨作朝昏愁殺壚邊賣酒人祇有醉時差可
喜不應醒坐作新春

十月十日夕同文安君對月一小詩

林外霜風作夜聲入簷寒月似多情燈前炉畔深杯
暖更聽昭君出塞行

宛丘先生文集卷第四十

宛丘先生文集卷第四十一
絕句
張耒 文潛

宛丘先生文集卷第四十一

張耒 文潛

絕句

項羽

沛公百萬保咸陽自古柔仁伏暴強
慷慨悲歌君勿恨拔山蓋世故應亡

蕭何

蕭公俯仰繫安危功業君王心獨知
猶遣邵平能緩頰君臣從古固多疑

韓信

登壇一日冠羣雄
鍾室倉皇念蒯通
能用能誅誰計策
嗟君終日愧蕭公

賈誼
賈生未免孝文疑
自古功名歎數奇
遂得洛陽年少去
白頭絳灌亦何為

李廣
李廣才非衛霍儔
孝文能鑒不能收
君王未是忘征戰
何待高皇萬戶侯

朱雲

直言請劍斬安昌
勿謂朱游只素狂
君看漢家文景

業張侯能以一言止

孔光

卿原世盡謂真儒
漢室傾危孰與扶
試問不言溫室木
何如休望董賢車

東方曼倩

軒冕功名何足為
先生聊此易農資
漢庭誅死皆卿相
猶說才能勝滑稽

范增

君王不解據南陽
亞父從誇計策長
畢竟亡秦安用楚
區區猶勸立懷王

荆軻

燕丹計盡問田生易水悲歌壯士行嗟尔有心謀苦
拙區區兩死一無成

宋玉

雲雨朝朝峽裏興可能無復夢中情巫娥若問誰為
賦敢乞君王道宋生

偃王城

蔓草悲風知幾秋黃桑晚葉野雲愁偃王城下樵薪
盡猶有耕人指舊丘

章華又一首

逃戰彭城似去邠與王可即廢為臣中原多少堪憂
事勞苦君王八馬奔

章華

長恨章華亦陋夫周秦僅可勝登途誰知南楚仍窮
巷骨像何妨自應圖

屈原

楚國茫茫盡醉人獨醒惟有一靈均舖糟更遣從流
俗漁父由來亦不仁

巫臣二首

自古風情不易禁多言未似不言深楚王只聽巫臣

諫不道逃吳已有心
不言未可不言
蘇王只願逐出
咫尺山河不易知
無言莫謂即無思
人間只見枝頭
繭不悟春蠶暗裡絲

其因
雙廟
入
成敗功名付偶然
男兒要是死生間
故應城破知肝
膽飛矢何勞記
賀蘭

趙弟
男兒何用立奇勳
趙弟從軍初不聞
但斬郁城戾萬
布不須猿臂老將軍

桓武公
才高一世有奇功
掩卷令人獨想風
莫笑狄祠遷武
相致人從古是英雄

桓武公
北征談笑縛姚公
靜掃諸陵見洛嵩
不用登高笑夷
甫正緣此輩使君雄

挂劍臺
上國歸來歲月深
悲嗟脫劍挂高林
欲知不負徐君
意便是當年讓國心

道彭澤

姓陶令尹今何在
空補陳編歸去來
安得春江作春

酒百年長與子銜杯
醉到淋漓去未覺
春玉打春
林林

九寡奔亡一老姬
白頭蠻叟嬖西施
二公費盡平生
事深屋婢娟世得知
過蘄澤

雄吞六國弱秦疆
壯士逡巡野水傍
耕叟不知鴻鵠
志笑觀宮室忤陳王

觀魚亭呈陳公度二首

千古濠梁莊惠詞
不須反覆辨真知
直應人意逍遙
處便是游魚自樂時

獵：微風波面開
近人鷗鷺不相猜
尊前忽起扁舟
興新管江南山水來

渡江

白髮人驚老阿童
橫江聊借半帆風
却嗟縛得窮孫
皓未似高歌醉閉蓬

吳王郊臺

異時隨舉孝廉郎
旂蓋相承據一方
腸統閭門祥已
定將軍畢竟是吳王

懷陸羽井

寒泉井石老松根
禪室幽人古像存
長恨千年無屈

宋楚招難與些遺魂

失性

失性推顏君子雀忘羞跳擲沐猴冠須知六合梟
鷂雜供與閑人靜處看

偶成

須知庖手有真如合遣輪人咲讀書擁褐蒲團深閉
目老人于此有工夫

有所歎

駢脅當車鬪戰先相君冠蓋照秦川六雄未滅君無
苦當念杜門公子虔

題南頓光武祠

他日曾休羽葆車可憐官寺已丘墟雲臺諸將銜冠
劍却遣嚴光配坐隅

讀史二首

區、姦智終何補不悟身由弄伎兒虵斷楚郊秦未
覺鬼謀曹社夢先知

羸秦餘祚已虵分車府凶高尚畏人安用區、猶指
鹿從來菽麥不曾分

讀秦紀二絕

烹滅羣雄力未疲諸山射海奮餘威誰知傳與癡兒

子祗得阿房似舊時
汲：威刑繼祖龍
收功終在望夷宮
未應家國歸車
府却有山東老沛公

讀周本紀

周公七百年禮樂箕箒桑弧盡破除
空使遺臣經故國徘徊未黍歎丘墟

題韓信祠 并引

史稱信反族誅予嘗疑之其謂陳豨曰三至上必
自將予從中起夫使高帝將精兵于外而信欲詐
驅徒奴烏合之衆於京師雖太公穰苴不能以成

其事猶息然於猛虎之穴虎歸則無事矣信謀無
遺策豈肯為計若是之踈哉况蕭相國在長安信
獨不畏之耶此殆以高帝出征以信失職畏其亂
于內亦若彭越使人告之而傳致其詞如此耳不
然信不忘漂母一飯之恩信遇高帝恩亦厚矣一
旦背之豈人情哉

千金一飯恩猶報南面稱孤豈遽忘何待陳侯乃中
起不思蕭相在咸陽

題淮陰侯廟 并引

呂太后勸高祖誅彭越使舍人告其反而越固未

嘗反也特以為名耳高祖將兵居外而太后在長
安太子仁弱不知兵而韓信方失職在京師呂畏
其乘時為亂而不可制使人誣告其反詐召而誅
之耳方是時蕭相國居中而信欲以烏合不教之
兵欲從中起以圖帝業使雖甚愚必知其無成以
信之雄才謀無遺策肯出此哉太史公記陳豨反
事言豨居代多致賓客周昌畏其不軌而奏召之
不至豨因自疑而其後通曼丘臣王黃遂反此豈
馬遷所謂和人進說遂陷不義者也遷載豨反事
未嘗一言及信於此遷欲見誅信之冤也

雲夢何須偽出游遭諛猶得故鄉侯平生蕭相真知

已何事還同女子謀

何不為信
辨其在也

觀禎仲南詩卷

蘓子詩如刃發礪十章入耳韻冷、文章三昧無多
子稭守君家舊典刑

讀仲南和詩

異時文席許論詩三載江湖讀楚詞自笑酸寒無好
語少年倉氏獨相知

讀吳怡詩卷二首

羅田春動雪消初主簿清詩雪不如休學風騷窮事

業花前莫負古銅壺
踈梅半落雪中香
想子孤吟對酒缸
野水荒山半猿
鳥跨驢誰問賈長江

吳郡文讀潘郎文卷 六言

霜鬢我猶謫官
蝟鬚子合封侯
老拙何勞咄
踈庸且復悠悠

讀王荆公詩

名實由來不可逃
悠悠之毀譽亦徒勞
臧公已死言終立
不是軒裳世祿高

雲夢回奉符縣北二十里
林家莊馬舖壁間有草書

數行半毀矣
問其人云熙寧中錢提刑所書

今考其時蓋翰林四丈穆父也
錢公謫秋浦

而卒其子已免喪矣
覽之不覺失涕因留一

春兩齋絕

龍蛇半滅亭間字
泉壤長埋地下身
從此世間無玉樹
坟人三歎淚沾巾

試筆

學館齋鹽驚歲晚
寒窓書史伴身閑
年來坎軻甘言命
老去追隨厭彊顏

試墨

金案冰窓淨絕塵
硯寒龍尾殼生文
澄江清淺汀洲靜
忽有蒼螭下吐雲

僧克懷惠紫竹杖
輕堅滑澤節仍勻
上下柯山助老身
他日天恩許歸去
提携同踏故園春

生日贈潘郎
春雨蕭蕭江上城
論花與子酒同傾
恨君未到淮陽市
一見姚黃慰此生

宛丘先生文集卷第四十六
宛丘先生文集卷第四十六

宛丘先生文集卷第四十二

絕句
牡丹
張

天女奇姿雲錦裳
故應聽法傍禪床
靜中獨有維摩覺
觸鼻唯聞淨戒香

和
客木辭家似旅人
栽培莫怪倍慙勤
明年太昊城中色
來作齊安江上春

千里相逢如故人
故栽庭下要相親
明年一笑東風裏
山杏江桃不當春

梅

覆金湖邊雪壓塵
數枝林外已先春
盡將七澤清霜氣
洗出姑山綽約身

天女香梅花十首
月落嚴霜自理粧
北風工為發清香
晚英敷點辭林去
幽獨無人為斷腸

幽恨清愁幾萬端
故將巧笑破霜寒
落英收拾供騷客
秋菊從來不足食

姑射仙姿不畏寒
謝家風俗鄙鉛丹
誰知檀萼香鬚裏
已有調羹一點酸

林外啼禽自往還
風前詩客倚闌干
小園門鎖黃昏月
耿耿幽姿伴歲寒

玉粟勻圓宮樣黃
領巾借與十分香
衝寒不為生春物
自要晨霜為洗粧
清寒池館靜無塵
歲歲相逢做故人
任遣牆頭疑是雪
欲教園木早知春
脉、無言亦有期
雪中狂殺羽林兒
可憐多少幽奇事
却是東風捻不知

任教雪壓色終勝却要風嚴香更聞江雨細晴青子
熟聞名猶救渴將軍中玉珠林兒何熱多心曉
數點深藏碧玉枝翠峰十二擁瑤姬憑君說與九桃
李徹骨清寒爭鮮肌
三畝荒園草棘荒可憐中夜北風狂瑤環瑜珥誰將
去噴々幽禽喙藥黃巾計與下公香酒寒不飲之香
梁冀
力回漢鼎未收功人道將軍世上雄不悟折腰并語
齒百般裝束為秦宮

田野高風過有莘廟堂經畫竟無聞固應竹馬思元
子江左興亡不在君

甯子

甯子陽愚飽諸事賈生慟哭漫多愁無言天道何須
問畢竟人間春復秋

趙飛燕

苦心膏沐不論貧富貴人生各有時直使中流畏仙
去君王何啻似嬰兒

成帝

百華衣上漬餘香夜照猶煩蚌有光解道溫柔勝武

帝不知壯髮似元皇
不復當年端正樓
多情猶問故宮遊
山川不改繁華
盡須信人生一世浮

女兒山

梅花

我愛梅花不忍摘
清香却解逐人來
風露肌膚隨處
好不知人世有塵埃

梅柳二絕句

便使柳肥終解舞
莫驚梅瘦為含酸
因風自裊還成
態與雪爭妍却要寒

天質自清非為瘦
仙姿正白不施紅
未開如怨開如
笑枉乞幽香與北風

臘初小雪後園梅開二首

風格孤高又國香
故教小雪發新粧
修行嗟我無功
用却使天魔入道場

晨起千林臘雪新
數枝雲夢澤南春
一塵不染香到
骨姑射仙人風露身

同仲達雪後踰小山游蔡氏園得紅梅數枝

奇絕因賦二首

與君陟巘踏春泥
邂逅紅梅得一枝
失却孤山風露

格却成卯酒醉冰肌李正封牡丹詩有
國色朝酣酒之句

北風凜凜：留高樹融雪消：聚小塘三畝山園半春

草無人為結小丁香

所居有梅一株在堂中荒穢中正月二十六

日已謝矣二絕

平生常恨逢梅少及對紅梅無好詩寂寞荒山少風

味直須雲鬢插斜枝

冷落疎枝寒草固欲攀先怕踏榛荒異時折處何堪

說臨水高城倚女墻

二月五日折梅時經雨梅謝矣

江雲湛霽未全開東嶺微茫日色來獨犯輕寒踏春

曉慙慙更折雨中梅

冬日懷竟陵管氏梅橋四首

旅居澤國小園林千里相望歲暮心想見竟陵殘雪

裏新梅點雪橋垂金

小：園林點點：梅如今綽約為誰開只應新夜清霜

裏依舊橫斜倒影來

他日華陵跡已陳嘉辰依舊一銷魂小園幽徑誰相

念應有新梅覓故人復州竟陵郡有五
花山故亦云華陵

堂下幽芳自可人北風工為屏埃塵上元簪珥玲瓏

玉却曳青霞霜女裙
邗城山下梅花樹臘月江風好在無爭似姑山尋綽
約四時長見雪肌膚

晁二家有海棠去歲花開晁二呼杜卿家小
已出守戲以詩調之
頗疑蜂蝶過鄰家知是東墻去歲花駿馬無因迎小
妾鴟夷何用彊隨車

二月二十一日東園桃李未開有感二首

日添東風正怒號小園寂、閉蓬蒿可能春色知人
事獨發玄都觀裏桃

寄語玄都觀裏花饒君繁麗奪朝霞劉郎想到長安
日葵麥風前一歎嗟

堂前種二桃詩示稚結

平昔慙慙向物華誰知憔悴客天涯雙桃栽罷還惆
悵憶得淮陽舊種花

謝人惠金沙醪醪二首

金沙倩麗閨中秀醪醪謝郎林下風欲試此人無結
習兩株常守淨名翁

金沙豐腴合德艷醪醪輕盈飛燕身久無丹白應知
我齊散天香供道人

題西園醪醪

風霜老朽感龍蛇中有青春白玉葩要使根深生意
遂不妨秋雨卧泥沙

懷竟陵蓮花

景湖門外有汀洲灼灼紅蓮照碧流公子不歸時節
晚雨枝風葉卧清秋

月季

月季秣應天一物四時榮謝色常同可憐搖落西風

裏又放寒枝數點紅

黃葵

黃葵貴麗不夭饒一朵新晴檻外高還似邇英臨便
坐瞳矐朝日照天袍

水仙花葉如金燈而加柔澤花淺黃其幹如

萱草秋深開至來春方已雖雪霜不衰中州

未嘗見一名雅蒜

宮樣穠黃綠帶垂中州未省見仙姿只疑湘水綃機

女來伴清秋宋玉悲

摘芙蓉

今年古寺摘芙蓉
憔悴真成澤畔翁
聊把一枝閑照
酒明年何處對霜紅

木芙蓉菊花盛開
空山岑寂何所有
晚菊芙蓉相對幽
伴我悠々過閑
日憐渠灼々媚窮秋

九月十日菊花爛開

蕭條秋圃風飛葉
却有黃花照眼明
已過重陽慵采
擷自嫌亦作世人情

對菊花二絕

官閑身世兩悠々
種竹栽花一散愁
黃菊叢邊對踈

雨一年懷抱此時秋

躬耕遇歲真吾事
牛下齊兒婦妾歌
招引風煙過閑
日遶籬栽菊可如何

秋末圭竇齋前菊盛開賦得絕句時秬出未
歸

幽齋誰與破窮愁
蜀錦當軒爛不收
白帝屬車千萬
乘玉輪金轂照清秋

自二月末苦雨寒食前一日始晴視園中花
乃殊不敗

春雲湛澗弄朝暉
青峭餘寒透袂衣
最喜園花渾似

舊十分春色一分歸

宋景平命賦隔窓花影

午睡簾籠春日長
半消金鴨水沉香
隔窓花影時來去
疑有東鄰覘宋郎

西園風雨雜花謝

楚澤春殘雨又風
啼鶯芳草思無窮
蕪菁滿地黃金爛
不及薔薇一點紅

依韻和晁十七落花二首

投老慙慙向物華
風前猶欲拾餘花
更將夢逐殘紅去
遍入長安百萬家

飛隨風雨落隨流
更有餘紅亦已休
香盡天涯春物盡
可憐鸚鵡不知愁

復荅迎郭侯犢車之句

玉壺春酒射朝霞
只看纖腰不看花
但遣舟迎桃葉女
仍須恩賜短轅車

看花

風暖日高花氣動
鳴鳩乳燕自求羣
經營美景還詩匠
傾掃頑愁賴酒軍

買花

病腹難禁七椀茶
小窓睡起日西斜
貧無隙地栽桃

李日：門前自買花
漫成三絕

驅除牢愁須酒聖
狼藉春色要花紅
定知春來無一事
若教有情愁得儂
容易得愁即不去
若教春物喚愁生
遣愁飲酒大拙
計遣誰蹙眉為漫聲

閉門春風作往還
誰家有花堪醉眠
柳腰榆莢爭入眼
江梅一枝遠如天

綵花

清寒帶雪未成春
可得芳菲來向人
須遣艷陽歸掌

握放教桃李及芳辰

橘

靄：高林綠實圓
清霜一洗若金懸
李衡何等相奴
隸自有高人相國賢

和天啓惠橘詩

十年不摘洞庭霜
喜見新苞照眼黃
但對典刑休嗜味
以天啓辭虎賁猶得作中郎

竟陵酒官舍北有數步草
歲寒霜落猶鬱然
也余為障其風霜暮冬尚自如
一日大火焚舍無遺復往尋草不復有矣

為愛墻隅芳草色故遮霜霰待新春
火燒雨洗尋無處祗有東風吹舊塵

感庭莎

桃蹊李迳有塵埃初放青莎秀滿塔
想見芊綿古城角有人嗟我未歸來

東齋雜咏七首

竹

裊、墻陰竹數竿秋風盡日無青鸞
平生愛爾綠瀟灑莫作封君渭上看

菊

野人齋爨屏臙腥自向塔前拈紫莖
老去愛花心轉薄一盃蔬飯足浮生

盆池

點、青萍秋後衰浴、晴日見魚兒
水邊窺影何方客自照行吟憔悴姿

皂夾

畿縣塵埃不可論故山喬木尚能存
不緣去垢須青莢自愛蒼鱗百歲根

南窓

門前塵土慵驅馬堂上文章厭坐曹
只有南窓慰人

意寒燈清夜讀離騷

道榻

紙閣蘆簾小榻安一裘容易即輕寒誰驚午枕江湖
夢風落晴窓柏子乾

老槐

雪霜未死閱年華危葉蕭蕭：戰古槎裊：秋風官舍
冷半枝斜日帶啼鴉

雙槐

老去相看終慘澹秋來無賴對婆婆任從葉逐西風
去要聽庭寬夜雨多

槐庭

清陰滿我庭蒼苔六槐老野性苦避人青苔不須掃

柳

永豐坊裏舊腰支曾見青：初種時看盡道邊離別
恨爭教風絮不狂飛

柳絮

零亂委東風悠揚點芳草却為身最輕華堂等閑到
黃州酒稅務宿房北窓新種二竹戲題于壁
異時小杜高眠地幾向秋風聽楚江身世浮雲那可
計試留雙竹守寒窓

春蔬

新春書劍滯江城又見南蔬入旅羹關心太昊祠前

路小甲連畦帶雪青

余有蔬圃在陳州太昊祠南

二月二日挑菜節大雨不能出

久將菘芥芼南羹佳節泥深人未行想見故園蔬甲

好一畦春水輓轡聲

北方治菜畦如棊枰土極細勻及井灌之次第相及殊可觀也

食薺糝

論斤上國何曾飽

高力士至黔中見薺云兩京論斤買五溪無人採

旅食江

城日至前常慕藜羹最清好故應加糝愧吾原

原憲慕羹

不糝

崇寧壬午臨汝四月始聞鶯二首

青杏登盤櫻壓枝園林初夏啣黃鸝一聲風露高林

曉却覺年華總未衰

好音終在耻爭先谷外寒多故後遷已過花時亦何

恨不妨夏木綠參天

晚鶯二首

庭樹知秋彫晚枝春鶯一去幾時歸晚來何事枝頭

見啞啞教聲還復飛

青竹萬葉一霜推何事流鶯去復迴啼鴉已催芳草

歇春風安肯為君來

聽鳴禽

流滯江邊鬢已霜
又聞春鳥啁朝陽
他時北去懷陳迹
寒竹疎梅黃土岡

鷓鴣

敗荷枯葦一方池
溪上鷓鴣聖得知
何事月寒風露下
孿拳孤影在風枝

鴨鵝

整刷衣裾紫翠新
曉天風露壓雞晨
應知不置蓮花漏
長喚林中宴坐人

三月二十五日聞鴨鵝

雲夢澤南春欲還
柯山鴨鵝曉閑閑
幽人夢覺慙慙聽
落月江風尚薄寒

聞鴨鵝

紙窓未白燭微明
鴨鵝枝頭一兩聲
却憶去年桃李後
淮陽旅舍聽殘更

蹇驢

驥伏鹽車飢不行
疲牛與尔飽平生
子荆自是佳公子
亦向人前作汝聲

聞蛩二絕

晚風庭竹已秋聲
初聽空塔蛩夜鳴
流落天涯聊自

得今宵為尔感平生
二年江海轉萍蓬
白髮蒼頭換舊容
新月窺簷風動竹
宣城今夜又聞蛩

江城落木已窮秋
病客初寒欲襲裘
暗室飛蚊猶撲面
不知天上火西流

魚蝦

一尺盆池數種荷
魚蝦亦解起風波
爾來未識天池樂
更有鯨鵬奈尔何

龜

映日漾清淵
泓沙曝玄甲
愛爾千歲姿
藏身一蓮葉

蛙

越爾未亡吳
曾動君王意
勾踐自有心
憑車汝無恃

雙白鴨

已斲鷹隼猜仍叨
主人惠皎潔盡天姿
雙棲莫相忌
百舌

曉語月斜樹
晝啼春霽天
胸中自有激
不是故多言

宛丘先生文集卷第四十二

屯于湖陰帝微行至其營敦夢日遠之覺而追不
及故樂府有湖陰曲按晉地志有于湖而無湖陰
本紀云敦屯于湖又曰帝至于湖陰察營壘而去
予頃游蕪湖問父老湖陰所在皆莫之知也然則
帝至于湖當斷為句乃作于湖曲以遺之使正其
是非云

武昌雲旗蔽天赤夜築于湖洗鋒鏑巴滇綠駸風作

蹄去如滅沒來不嘶日圍萬里纏孤壁虜氣如霜已

潛釋虵矛賤士識天顏玉帳髯奴落妓魄君不見銅

駝陌上塵沙起胡騎春來飲湮水浮江天馬是龍兒

戲踏揚州開帝里王氣高懸五百秋弄兵老淠空白
頭石城戰骨卧秋草更欲君王分上流

襄陽曲

西津折葦鳴策：蟾蜍光入芙蓉白山頭不雨賈舩
稀日：門前江水窄欲將烜赫招行人旋起丹樓照
長陌銀屏深閉玉笙閑自擘新橙飲北客倏離暫合
心未果淚映雙眸為誰墮

寄衣曲

秋風西來入庭樹攀條正念征人苦空窓自織不敢
任鳴機愁寂如鳴櫓練成欲裁新絲香抱持含愁叔

姑堂別來不見衣覺窄試比小郎身更長
江蒲芽白江水綠江頭花開自幽淑人家晨炊欲熟
時旋去網魚唯所欲往來送租只用舡未省泥沙曾
汗足有錢買酒醉鄰畔終日數口常在目不學長安
貴公卿每遣離心寄朱轂朝游岩廊暮海島譴人未
歸身自到

怨曲二首

白首南朝女愁聽異域歌收兵頡利國飲馬胡盧河
毳布腥膻久穹廬歲月多雕窠城上宿吹笛淚滂沱

又
祖席駐征橈開帆復信潮隔筵桃葉泣吹管杏花飄
船去鷗飛閣人歸鹿上橋別離惆悵淚江鷺宿紅蕉
壽陽歌

壽陽樓前淮水碧壽陽美女如脂白李郎青鬢照青
衣曾在花前作狂客伯勞睡重花枝晚時許蜻蜓一
偷眼歡娛雖少恨已多纖手紅牋揮翠管淮陽歸來
春已暮夜、夢魂淮上去欲歌舊曲只添愁畫得雙
蛾不能語有客南來從壽春象中笑問動精神自從
柳別章臺後攀折風光知幾人已伴春衫辭側帽不

子安文集
卷四十三
怕嬌啼隨意笑嗟君耿々獨相思須信多情是年少
暑天三月元無雨雲頭不合惟飛土深堂無人午睡
餘欲動身先汗如雨忽憐長街負重民筋骸長殷十
石弩半衲遮背是生涯以力受金飽兒女人家牛馬
繫高木惜恐牛軀犯炎酷天工作民良久難誰知不
如牛馬福

春雨謠

曉雲欲著樹中夜一犁雨老農呼孫子力作莫辭苦
風吹潤上如炊香烹雞為黍餉南園我知聖人在明

堂元年已是豐年祥

少年行三首

駢弓鵲角蒼鷗羽金錯旂竿盡貔虎長驅直踏老上
庭手拔干將斬狂虜歸來解甲見天子金印懸腰封
萬戶自為大漢上將軍高揖羣公佐明主

人生豈合長貧賤師事黃公曾習戰英雄天子北伐
胡初拜將軍二十餘黃塵晝飛羽如插身射單于碎
弓甲從來書生輕武夫坐遣揮毫寫勲業

少年賣珠登主門主家千金惜一身綠鞵請罪見天
子尚得君王呼主人鬪雞走馬長安道豪傑驅來奉

談笑漢庭碌、公與侯憂禍憂誅先白頭

少壯賣古意三首

園中楊柳樹飛舞似含羞如何風靜處盡放眼中愁

又

金鋪銀屈膝動處有人挨棊盤作十字中心為子來

又

橘犀如半月何日是圓時如何一種味却有兩人知

代贈

洞房飛香作春霧仙人勸酒香中語明眸第二紫雲
娘鬢學歌聲柳如舞蹙眉長歌澧有蘭銀鈎請君春

草篇繁絃高張燭燒夜玉壺未盡參在天春泥雪消
淮上路東風浪頭驚客櫓惱公舊事幾魂夢過眼相
逢一風雨黃流清洛上天漢吳山洞庭藏水府謾題
詩句寄歸舟江口風狂那得渡

代嘲

過作拋人去非真我獨知如何立不定却有獨來時

牧牛兒 應城道中

牧牛兒遠陂牧遠陂牧牛芳草綠兒怒掉鞭牛不觸
澗邊古柳南風青深蔽目田野平鳥健礪角逐草行
老犍臥噉飢不鳴犢兒跳梁沒草去隔林應母時一

聲老翁念兒自携餉出門先上岡頭望日斜風雨濕
蓑衣拍手唱歌尋伴歸遠村放牧風日薄近村牧牛
泥水惡珠璣燕趙兒不知兒生但知牛背樂

贈人三首 次韻道卿

未必蝸蟻如素領故應新月學蛾眉引成密約因言
笑試得真情是別離尊酒且傾寒琥珀淚粧更省薄
照脂北城月落烏啼後便是孤舟腸斷時

醉裏紛：散別筵醒來客枕一燈前黃茅野岸三更
月春水長亭十里船一點淚憑誰寄與十年香在恨
依然空疑窓外梅花發珠箔青樓若箇邊

可是相逢意便深為切巧笑不須金門前一尺春風髻
城外三更夜雨衾別燕從教燈見淚夜窓唯有月知
心東西芳草渾相似欲望高城何處尋

採蓮子

菡萏香蓮十頃陂小姑貪戲採蓮池晚來弄水船頭
濕更脫新裙裹鴨兒

倚聲製曲三首 并序

予自童幼好作文字於他文嘗為之雖不工要猶
能措詞至于倚聲製曲力欲為之不能出一語傳
稱裨謀于國則否謀于野則獲杜南陽以謂性

質之蔽夫詩曲類也善為詩而不能製曲豈謀野
蔽耶為賦二首

春絲惹恨鬢雲垂媚態愁容半在眉早是恩深難語
別可堪肌瘦不勝衣眼前有景恨尤速門外無情車
載脂自笑不如天下月尊前猶有見郎時

不恨因緣不恨天強持牙板向尊前陽關一曲動山
月別淚千行盈酒船薄命有情今已矣傍人無意亦
凄然願君學取梁間燕秋去春來到妾邊

山未高兮海不深此情此意薄千金今朝酒伴雙垂
淚明夜燈前獨擁衾玉筋異時空見跡塵屨千里亦

塵屨千里亦

通心桃源路絕無人到應許劉郎再訪尋

獨處愁

高之花飛驚愁顏珠簾鎖樓春風閑少年金鞍照秦
地玉卮雙覆塵埃間花間蝴蝶雙飛舞感觸深心
更苦昨夜陰雲數尺許連宵變作西窗雨

遠別離

遠別離明當入蜀去酒酣日落客心驚起與僕夫先
議路引車在廷牛在槽桐枝媚秋風豪別情悵悵
氣不下酒腸翻汗麒麟袍緩清歌慰幽獨不惜更
長更燒燭贈君髮上古搔頭莫易此心如此玉平生

每笑飛花片東家吹落西家怨但得歸時似別時相
知何必長相見

行路難

人生動與衣食閑百年後：誰為閑四時睡足鞍馬
上去歲錢塘今長安車愁羊腸夜險折船畏人難晨
驚湍九州一身恨自惜使我顏色常鮮歡天治一氣
成萬象融即是江結是山再願洪鑪鑄融結萬世更
無行路難

白紵詞二首效鮑昭

搖輕裙曳長袖為楚舞千萬壽新詞白紵聲按舊朔

風捲地來崢嶸燕鴈避霜飢不鳴高堂酒多華燈明

七夕歌

回纖腰出素手髻墮鬢傾釵欲溜為君歌舞君飲酒
歲云暮矣七澤空湯：漢沔天北風玉壺之酒樂未
終

七夕歌

人間一葉梧桐飄蕩收行秋回斗杓神官召集役靈
鵲直渡銀河雲作橋河東美人天帝子機杼年：勞
玉指織成雲霧紫星衣辛苦無歡容不理帝隣獨居
無與娛河西嫁與牽牛夫自從嫁得廢織絳綠鬢雲

鬢朝暮梳貪歡不歸天帝怒謫歸却理來時路但令
一歲一相見七月七日橋邊渡別長會少知奈何却
悔從來懽愛多匆：萬事說不盡燭龍已駕隨羲和
河邊靈官催曉發令嚴不管輕離別空將淚作雨滂
沱淚痕有盡愁無歇我言織女君莫嘆天地無窮會
相見猶勝姮娥不嫁人夜：孤眠廣寒殿

宛丘先生文集卷第四十三

宛丘先生文集卷第四十四

古樂府歌詩

瑠璃瓶歌贈晁二

張耒 文潛

火維荒茫地軸傾下有積水潛鯤鯨鼇身翻瀾山為
崩金鳥下啄獰龍騰狂須奇鬣萬族朋巨神日月雙
手擎夸娥愁思烏戢翎老魚戮死風雨腥長琴下掃
千里驚淺州一席塊為成蠻兒夷女奇弁纓大舶映
天日百程怒帆吼風戰飛鵬舟中之人怪眉睛獸肌
鳥舌髻翹撐萬金明珠絡如繩白衣夜明非縞繒以

有易無百貨傾室中開橐光出楹非石非玉色紺青
昆吾寶鐵雕春冰表裏洞徹中虛明宛然而深是為
瓶補陀真人一鉢衣攀膝燕坐花雨飛堯羅寶手親
挈携楊枝取露救渴飢海師跪請願有脰番禺寶市
無光輝流傳人間入吾手包以百嚴吳綿厚擇人而
歸今子授爛然光輝子文章清明無垢君肺腸比君
之德君勿忘與君同升白玉堂

九江千歲龜歌贈無咎

靈龜千年口不食以背負林飲其息吾家兩龜豈徒
不食亦不息壽與萬古無終極濟南晁君博物天地

通夜窺斗牛頗似晉司空花我兩龜有名字大龜為
九江小龜號千歲老龍洞庭怒蕩覆堯九州禹咄嗟
水平流九江無波拍天浮中有大靈背如丘南風吹
楚澤蓮葉青欲秀有物中作巢一寸立介冑霞衣仙
人鬢如霜飲以南極之光芒丹顛老客不相見飛渡
東海巢扶桑迺來蟠桃枝有子大如缶浮游輕于鳥
江海一回首青珊瑚柱碧瑤宮水仙焚香吹作風朝
戲蓮葉西暮游蓮花東秋風蓮子熟歸去清江國小
千歲大九江我久不見之回君案前雙我謂晁君二
物有似我與子國有守龜吾子是燦然天下之寶器

萬金之勝紫瑤匱天王端冕史再拜一逆一從定大
事我身百無用頗似千歲潛深淵不願人間貯金籍
玉萬富貴但願寄身江上一葉之秋蓮萬物才不才
用捨不在天寄聲問晁君然不然
老龍洞庭怒蕩覆堯九州謂半山老人禹咄嗟水
平流謂迂叟一本老客作瘦客巢扶桑作朝扶桑
浮游輕于鳥作我身輕若蓬

大雪歌

老農占田得吉卜一夜北風雪漫屋壓欲折君勿
悲隴頭新麥一尺泥深麥牢風莫吹明年作餅大

如箕野人食飽官事少莫畏瑟縮寒侵肌高堂晨興
何所為門無馬迹人更稀珠樓玉閣互飛動坐見貧
屋生光輝無功及物慙受祿豐穰幸賴天與之棄糧
遺粒待雞犬吾羹何得長烹藜

孫彥古畫風雨山水歌

山深岩高石壁青白日忽變天晦冥黑風驅雲走不
停驚電疾雨來如傾山前雨點大如手山下水湧危
槎橫崩崖古樹老有靈吼怒直與風雲爭枝披葉偃
闔不怯萬竅却欲藏雷霆鞭驢疾驅者誰子石路險
澀驢凌兢目迷心懾愈不及來憇樹下如寒蠅蒼茫

直與鬼神接恍惚不保龍蛇驚平居此樂忽入眼孫
家古圖才可辨奈何一幅一尺餘欲奪天地之奇變
我心愛之良有以昔苦山行親過此一生兩足不下
堂輸尔朱門貴公子

歲暮歌

北風卷雪送暮冬重雲如山羊塞空百年老樹吼欲
折塌翼不見南飛鴻堂下幽姿亦可悅點綴小樹花
零隴老人重裘不能煖永夜惟守深爐紅啾：寒雀
飛不起飢啄凍土藏枯叢青春欲回水官怒摧拉未
使陽和通天時平分各司一興廢誰得專其雄杜門

解纜聊有待行看馬脚春泥融

光山謠

艤舟淮南望新息天遣清淮限南北崎嶇細路入光
山野色蒼涼秋日白八月穫田稻無水蚱蜢羣飛稻
乾死范橋絕澗聞水聲喧：汲水爭瓶罌昏：落日
街遠山馬蹄車轍未得閑縣公吳生我世舊為我烹
羊酤斗酒燈前醉飽紛就眠五更開門星滿天長年
他鄉心惘然遠途辛苦難具言

年：歌

年：西風白露天爛醉村釀秋池原今年杜門不復

出為愛我庭風日寬東西相望兩叢竹正色森：立
奇玉朝煙暮雨恣陵奪翠鳳文章終郁：苦榴新裁
果不實下有蕭條冒霜菊人情雖欲薦我酒物意豈
願羸君菊東欄黃葵色貴麗氣壓滿欄皆撲檄月桂
淒涼何足數蛛網虫樹窘如束安能卒歲不改芳正
自榮枯隨衆木陶：吾意方有在瑣：眼前何足錄
朝來默坐有佳思病去身輕如脫桔從來北客望河
南何用登樓傷遠目

鴨鵝詞

樹頭玄衣郎神爽聲復清睡先萬日覺起對殘月星

憫世耽睡昏體穢神不靈招使離社席啼呼每丁寧
幽人最憐汝未旦起坐聽荒山多嘉樹春盡故園情

圓棊歌戲江瞻道兼呈蔡祕校

蔡子圓棊非我敵我謹事之如大國主盟召會不敢
辭近忽憑陵有驕色鄉人戰魯固非宜於越入吳誰
可測願君勿以大白驕知小深謀戰須克區：江子
似却婁我如強魯端能役凌兢蟾臂屢見拒我但憐
子心難得近來措置尤小憚何異穿窬時有獲可憐
癡將不知兵請視吾旗豈真北飢魚貪餌不知鉤口
雖暫美身遭食雖然吾亦守疆場防患猶須謹蝨賊

上攀蔡子雖已遼晉楚周旋終有日下觀江子行愈
遠我進駸、未知極嗟余自謂敢忘謙事有真誠難
掩抑為君聊發一笑端欲問吾棊視斯檄

周氏行

亭、美人舟上立周氏女兒年二十少時嫁得刺舩
即、身如墨妾如霜嫁後妍媸誰復比淚痕不及人
前洗天寒守柂雨中立風順張帆夜深起百般辛勤
心不惜妾意私悲鑑中色不如汀上兩鷺鷥飛去飛
來一雙白長淮杳、接天浮八月搥衣南國秋謾說
鯉魚能託信祗應明月見人愁淮邊少年知妾名舩

頭致酒邀妾傾賊兒惡少漫調笑妾意示爾鴻毛輕
白衫烏帽誰家子妾一見之心欲死人間會合亦偶
然灘下求舩忽相值郎情何似、春風靄、吹人心
自融河逢中潭還成阻潮致蓬山信不通百里同船
不同枕妾夢即時郎正寢山頭月落郎起歸沙邊潮
滿妾舟移郎似飛鴻不可留妾如斜日水東流鴻飛
水去兩不顧千古萬古情悠、情悠、兮何處問倒
瀉長淮洗難盡只應化成淮上雲往來供作淮邊恨

啄木辭

紅錦長條當背垂紫檀槽穩橫朱絲美人亭、面如

雪織手當絃金捍撥彈成丁、啄木聲春林蔽日春
晝晴徘徊深枝穿翠葉玉啄勞時還暫歇深園斷嶺
人不知中有槎枒風雨枝蠹多虫老飽可樂山靜花
深終日啄雄雌相求飛且鳴高枝礪嘴枝有聲無功
忍使飢腸飽有意却教枯樹青疾彈如歌細如語曲
欲終時晴更駐一聲穿樹忽驚飛葉動枝搖不知處
瓦器易石鼓文歌

周綱既季宣王作提劍揮呵天地廓朝求吉日差我
馬夜視雲漢憂民瘼桓、方召執弓鉞藹、申韓賜
圭爵北驅獫狁走豺狼南伐淮夷斬鯨鯢明堂車馬

走爭先清廟笙鏞尸載樂岐陽大獵紀功伐十鼓巖
巖萬夫鑿千年兵火變朝市後世紙墨傳冥漠迹荒
事遠貴者寡嘆惜風霜日摧剥君誠嗜古更過我易
以瓦器尤奇卓滿盤蒼玉列我前制古形奇異雕琢
義黃已亾巧偽起采椽土木消純樸何為獲此上古
器經歷萬世遭搜掠寥、墨翟骨已朽尚有遺風傳
隱約又疑晏子矯齊俗陶土團泥從儉薄或云古者
宗廟器斥棄金玉先誠確是時此物參鼎俎蕢桴土
鼓陳為樂嗚呼二物信奇絕賴有吾徒與提握不然
烏瓦與荒碑坐見塵埃就零落

片雪歌

瑤池一片孤飛雪，風急身輕飛不歇。誰將翠袖遮得，
歸十斛明珠換與誰。金龜貴客迎將去，玉作輜輶載
煙霧。人間不解桃李心，獨與琵琶自相語。主人白頭
情不親，朱樓夜鎖梨花春。願同花落寄流水，飄出朱
門隨路塵。長恐此生空已矣，從此失身輕薄子。人生
但樂兩知心，誰是瓊瑤孰泥滓。鸞鷲中彈花，辭樹蝶
散蜂驚。春日暮，風光不斷流水長。不知片雲今何處，
豪俊昔未遇。白日無光輝，隆中臥龍客。長嘯視羣兒

梁父吟

九州英雄爭着鞭，黃星午夜照中原。君看慷慨有心
者，乃是山東高帝孫。老瞞赤壁抱馬走，紫髯江左空
回首。世上男兒能幾人，眼看袁呂真何有。永安受詔
堪垂涕，手挈庸兒是天意。渭上空張復漢旂，蜀民已
哭歸師至堂。八陣竟何為，長安不見漢官儀。鄧艾
老翁誇至計，譙周鼠子辨興衰。梁父吟君聽取擊節
高歌為君舞，躬耕貧賤志功名。功名入手止中路，逢
時兒女各稱雄。運去英雄非曆數，梁父吟悲復悲古
今人事半如此，所以達士觀如遺。龐公可是無心者，
何事鹿門招不歸。

度関山意悠哉秦関路險行車摧秋雲沉天未曉
関吏正眠関未開孟嘗逃秦畏秦逐一日歸齊未為
速重扉當道可奈何搔首蒼茫空駐轂主君無言客
無計仰看天星俯相視風鳴木嚮心自驚咄嗟謾養
三千士下客趨前敢獻誠為君試効晨雞鳴引聲未
絶羣雞應軋重門俄徹扃馬嘶人語車輪展斗柄
斜垂夜初半奔風捷足欲何追虎口脱身非素願孟
嘗好士竟何為終得雞鳴狗盜兒可憐當日慙慙意
輟食分衣竟為誰

宛丘先生文集卷第四十四

度開山

度開山... 度開山... 度開山...

度開山... 度開山... 度開山...

度開山... 度開山... 度開山...

度開山... 度開山... 度開山...

度開山... 度開山... 度開山...

度開山... 度開山... 度開山...

度開山... 度開山... 度開山...

度開山... 度開山... 度開山...

度開山... 度開山... 度開山...



